



"REGIONALNA DEPONIJ MOŠĆANICA" d.o.o. ZENICA
Mošćanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@rdm.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-139/26
Zenica: 19.03.2026. godine

Na osnovu člana 69. stav (2), tačka d), i člana 70. stav (1) i (4) Zakona o javnim nabavkama („Službeni glasnik BiH, broj 39/14, 59/22 i 50/24), člana 35. Statuta Privrednog društva "REGIONALNA DEPONIJ MOŠĆANICA" d.o.o. Zenica a na preporuku Komisije za javnu nabavku, imenovane Odlukom, broj: 02-808/25 od 26.12.2025. godine u otvorenom postupku nabavke "Nabavka prečištača deponijskog filtrata", direktor Privrednog društva "REGIONALNA DEPONIJ MOŠĆANICA" d.o.o. Zenica (u daljem tekstu: Ugovorni organ) donio je:

O D L U K U
o poništenju postupka javne nabavke za
„Nabavku prečištača deponijskog filtrata"

Član 1.

Prihvata se preporuka Komisije za javnu nabavku, broj: 02-128/26 od 13.03.2026. godine i poništava se postupak javne nabavke za „Nabavku prečištača deponijskog filtrata", zbog činjenice da su dostavljene ponude nepravilne i neprihvatljive, u skladu sa Zakonom o javnim nabavkama i Tenderskom dokumentacijom.

Član 2.

Ova odluka objavit će se na web-stranici Ugovornog organa (www.rdm.ba), u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostaviti će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o Ź e n j e

Postupak javne nabavke „Nabavka prečištača deponijskog filtrata" pokrenut je Odlukom o pokretanju postupka, broj 02-807/25 od 26.12.2025. godine, a nabavka je planirana u Planu javnih nabavki za 2025. godinu i evidentirana je u istom pod rednim brojem 9. Procijenjena vrijednost nabavke iznosila je 1.305.000,00 KM bez PDV-a, a planirano je da se ugovor zaključuje na period od osam (8) mjeseci.

Javna nabavka provedena je otvorenim postupkom u skladu sa Zakonom o javnim nabavkama, a kriterij za ocjenu ponuda bio je „**najniža cijena**" prihvatljive ponude. Obavještenje o nabavci objavljeno je dana 29.12.2025. godine na Portalu javnih nabavki (www.ejn.gov.ba), broj 362-1-1-404-3-31/25.

Komisija za javnu nabavku imenovana je Odlukom direktora Ugovornog organa, broj 02-808/25 od 29.12.2025. godine. Dana, 19.03.2026. godine, Komisija je dostavila Zapisnik o ocjeni ponuda, broj 02-128/26.

U Izvještaju (Zapisniku) o radu Komisije je navedeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu u skladu sa Zakonom i odredbama Tenderske dokumentacije. U Izvještaju Komisije utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene sve tri (3) ponude,
- da nije bilo neblagovremeno zaprimljenih ponuda.

Nakon izvršenog otvaranja ponuda, Komisija je pristupila analizi dokumentacije priložene u ponudi u smislu provjere njene validnosti s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama i svim pripadajućim podzakonskim aktima.

❖ **Ponuda ponuđača DIT d.o.o. Tuzla**

Komisija za javne nabavke je utvrdila da je ponuđena cijena u ponudi ponuđača DIT D.O.O. Tuzla u iznosu od 2.241.800,00 KM bez PDV-a a procijenjena vrijednost javne nabavke je 1.305.000,00 KM bez PDV-a.

Na osnovu toga utvrđeno je da **ponuda ponuđača DIT d.o.o. Tuzla prelazi procijenjenu vrijednost predmetne javne nabavke** i kao takva je ocijenjena neprihvatljiva u skladu sa članom 2. Zakona o javnim nabavkama, te nije bila predmet dalje evaluacije.

Ponude od ponuđača NOBILIS D.O.O., te konzorcij ALMY GRADNJA D.O.O. ZENICA i HOFSTETTER ENVIROMENTAL SRL su ponude u okviru planirane vrijednosti nabavke.

❖ **Ponuda ponuđača NOBILIS d.o.o. Sarajevo**

Pregledom ponuda kod ponuđača NOBILIS D.O.O. Izjava o ispunjenosti uslova iz člana 45. ZJN - Aneks 6. i Izjava iz člana 52. ZJN – Aneks 8. Zakona o javnim nabavkama nije ovjerena od strane nadežnog organa, a što je zahtijevano tenderskom dokumentacijom tačka 12. pod A. Lična sposobnost (član 45 ZJN BiH) i tačka 40. Osim toga, ponuđač nije dostavio ni Garanciju za ozbiljnost ponude a ugovorni organ je tražio da se ista dostavi tačkom 32. Tenderske dokumentacije. Također, ponuđač NOBILIS D.O.O. je dostavio Jednu (1) potvrdu o izvršenoj isporuci i instalaciji prečistača deponijskog filtrata. Međutim ista nije prihvatljiva iz razloga što je dostavljena u formi obične kopije a traženo je original ili kopija ovjerena od nadležnog organa, vrijeme realizacije ugovora je starije od tri godine, te sam posao nije isti ili sličan kao što je predmet nabavke kako je to propisano tačkom 13. Ostali uslovi za kvalifikaciju pod C Tehnička i profesionalna sposobnost u postupku nabavke roba (član 48. i 59. ZJN) pod a).

Također, Ponuđač NOBILIS D.O.O. nije koristio adekvatan Aneks broj 4. Tenderske dokumentacije "UGOVOR o nabavci prečistača deponijskog filtrata (nacrt)" koji je mijenjan IV izmjenom tenderske dokumentacije a koja je objavljena na portal javnih nabavki. U navedenoj izmjeni tenderske dokumentacije, ugovorni organ je naveo: *"Napominjemo ponuđače da su obavezni dostaviti u svojoj ponudi izmijenjeni Aneks broj 4. Tenderske dokumentacije "UGOVOR o nabavci prečistača deponijskog filtrata (nacrt)". Ne dostavljanje izmijenjenog Aneksa broj 4. za posljedicu će imati odbacivanje ponude."*

Nadalje Ponuđač nije koristio adekvatan Aneks broj 12. Zahtijevane tehničke karakteristike prečištača deponijskog filtrata koji je mijenjan IV izmjenom tenderske dokumentacije a koja je objavljena na portal javnih nabavki. U navedenoj izmjeni tenderske dokumentacije, ugovorni organ je naveo: *"Napominjemo ponuđače da su obavezni dostaviti u svojoj ponudi izmijenjeni Aneks broj 12. ZAHTIJEVANE TEHNIČKE KARAKTERISTIKE PREČISTAČA DEPONIJSKOG FILTRATA. Ne dostavljanje izmijenjenog Aneksa broj 12. za posljedicu će imati odbacivanje ponude."*

*Slijedom navedenog, a u skladu sa odredbama Zakona o javnim nabavkama i tenderske dokumentacije, Komisija je ocijenila da je ponuda ponuđača **NOBILIS d.o.o. Sarajevo** **nepravilna**, te je ista **odbačena iz daljeg postupka evaluacije**.*

❖ **Ponuda ponuđača – konzorcija ALMY GRADNJA d.o.o. Zenica i HOFSTETTER ENVIROMENTAL SRL**

Komisija za javnu nabavku je, prilikom pregleda i ocjene ponude ponuđača ALMY GRADNJA d.o.o. Zenica u konzorciju sa HOFSTETTER ENVIROMENTAL SRL, konstatovala da ponuđač, u dijelu koji se odnosi na Aneks br. 12 – Zahtijevane tehničke karakteristike prečištača deponijskog filtrata, nije dostavio izmijenjeni obrazac u skladu sa IV izmjenom tenderske dokumentacije, koja je uredno objavljena na Portalu javnih nabavki.

Naime, predmetnom izmjenom tenderske dokumentacije ugovorni organ je izričito propisao: *„Napominjemo ponuđače da su obavezni dostaviti u svojoj ponudi izmijenjeni Aneks broj 12. ZAHTIJEVANE TEHNIČKE KARAKTERISTIKE PREČISTAČA DEPONIJSKOG FILTRATA. Ne dostavljanje izmijenjenog Aneksa broj 12. za posljedicu će imati odbacivanje ponude.“*


Imajući u vidu jasno, precizno i nedvosmisleno formulisan zahtjev tenderske dokumentacije, kao i izričito propisanu pravnu posljedicu u slučaju njegovog neispunjenja, *Komisija je utvrdila da ponuda ponuđača **ALMY GRADNJA d.o.o. Zenica**, u konzorciju sa **HOFSTETTER ENVIROMENTAL SRL**, nije u potpunosti usklađena sa zahtjevima tenderske dokumentacije, te je ista, u skladu sa odredbama Zakona o javnim nabavkama i tenderske dokumentacije, **ocijenjena kao nepravilna i odbačena iz daljeg postupka evaluacije**.*

Komisija je prilikom ocjene ponuda postupala u skladu sa Zakonom o javnim nabavkama i Tenderskom dokumentacijom, ocjenjujući isključivo ispunjenost formalno-proceduralnih i sadržajnih uslova.

Uzimajući u obzir naprijed navedeno, primjenom člana 69. stav (2), tačka d), Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.



Direktor

Mia Pojskić dipl.oec.,cr.,cir.

Dostaviti:

1 x Dit Tuzla d.o.o.

1 x Nobilis d.o.o.

1 x Konzorcij: Almy Gradnja d.o.o. Zenica i Hofstetter Enviromental srl

1 x Web stranica: www.rdm.ba

1 x a/a